

甘肅府縣志輯

中國地方志集成

嘉慶武階備志
光緒階州直隸州續志



中國地方志集成

甘肅府縣志輯 ⑩

嘉慶武階備志


光緒階州直隸州續志

鳳凰出版社 ● 上海書店 ● 巴蜀書社



嘉慶武階備志

(清) 吳鵬翱 纂修



嘉慶
本
書二十二卷，清嘉慶十三年
(一八八)修，據同治十二年(一八
七三)洪惟善刻本影印。

武階備志序

州縣之有志猶國之有史家之有乘關係非淺鮮也蓋地方牧令自有明南北互用以來往往下車之始於風土民情山川道里一切茫然必披覽圖籍然後可以得其大凡而措施亦於是乎有準余於同治庚午奉檄權守階郡取道白馬關日行山阪中幾於東西不辨既視事急索州志則刻板已毀於兵旋得印存舊本亦復畧於事實訪之士

武階備志序

卷一

一

著舛漏尤多維時軍事方殷余又學荒識淺弗克以採輯自任良用歉然越明年分刺羅君星五至郡云有嘉慶間吳雲達孝廉所纂武階備志若干卷比屬物色到州讀悉原原本本考究詳明視印本殆有天壤之別惜是書得自鈔存若即一覽置之終不免於湮沒爰捐資募匠付廩生吳日章於監修貢院之便督同剞劂數閱月工始告竣第原本非孝廉手錄亥豕魯魚比比皆是雖經校正仍恐檢

查未周而凡例起自秦漢迄於有明

本朝事蹟尚屬缺如余不文曷敢蹈續貂之誚惟望後之博雅君子來守是邦以次補正而續纂之俾竟前功而成完璧庶不負吳君苦心而亦余所深幸也同治癸酉仲夏月署州事楚南洪惟善序

武階備志序

卷一

二

武階備志序

且以前後媲美之難也莫為之前雖美弗彰莫為之後雖盛弗傳如章先伯雲達公之纂輯斯志也自嘉慶八年以至十三年考古証今去偽存真凡附會傳訛者汰之的確切當者採之若階文成西等處亦幾經身歷了然心目然後筆之於書未嘗敢以疑似誤人也噫斯其心力亦甚苦矣自司涼鐸後著志二十餘卷誠美績也奈淹留周甲未及付梓僅存稿幅幾於湮沒幸逢

武階備志序

卷二

三

觀察洪公祖心切義舉力培文教命章督脩貢院時並取武階志稿慨然捐資付梓仍命章督利校字而其盛於是乎傳爰綴數語用誌顛末亦藉以表章先伯之美創贊洪公之盛成焉耳

肯

同治癸酉仲夏月恆廩生吳日章頓首拜識

武階備志序

府州縣之有志也猶列國之有風詩也每歲命太史陳以觀民風凡為政者胥賴是以表風化焉余分守武階訪採全志毫無遺卷搜羅幾過乃於吳雲達之孫有為家得一武階備志約二十二卷自山水以至引用書目罔不周密展而讀之具足以移風易俗凡為政者之所必需亦凡為士者之所必覽也豈僅曰考事實稽勝景已哉惜乎是書也創於嘉慶八年成於十三年殫六年之採輯而卷帙始定其心力亦良苦矣而至今未付剞劂其何以永播雷傳乎旋承觀察洪公訪論及此余陳其卷即詔工鐫布以為武郡人士之銘守觀察之至意也亦正如余有志付梓之心也夫

肯

同治十二年清和月上浣之日星五氏羅映霄謹跋

武階備志

卷一

四

武階備志

凡例

一武階古無專志在宋有章穎文州古今記十二卷杜孝嚴文州續記四卷李修已同谷志十七卷李錡續同谷志十卷惜皆不存元明二代無聞焉

國朝以來州縣各修專志而稽古闕如僅據傳會傳聞之說敷衍成帙簡陋鄙俚不足徵信茲於經見各書通有武階事實足備掌故者隨手摘錄略為類次名曰武階備志非敢妄儻古人特見階之為郡自古在昔原不與西域大理同其荒渺

武階備志

卷一

也

一采輯至明而止詳考古也若國朝則雍正以前各有專志可查乾隆以後數十年又非一人之聞見采訪所能周是所望於異日之纂修者

一采書必採原本以免鈔襲訛傳之弊仍即分註明晰以便查閱

一山水建置等條有古書所載與今不合者皆以鄙見辯證以俟博雅考定若云妄議前聞則吾豈敢

一建置一門彙萃諸家地理之書象酌而成勢不能詳注出處

非脫漏也

一職官以時代為據如楊阜魏人而守郡於建安之年則係之漢郭瓊臣宋而刺州於清泰之際則係之後唐他如李弼趙昶輩類此甚多不可枚舉閱者詳辨可也

一自古有異地同名者如袁安令陰平在東海閭韋守武都在岐州郭蔭陰平縣記在閬州王峻薛訥破吐蕃於武階在隴西凡此之類俱宜詳考是編於一人一事必核其實在本郡方敢收入泛濫混淆之弊庶其免夫

一符秦碑據西北數十年幅員之廣晉莫與匹州志闕而不錄

武階備志

卷一

二

殊為疎漏今列表於人物之前以見一時之運會焉

一人物流品不一故史有忠孝節義循良隱逸等目武階人物無多勢不能分門別類但以人物統之其事不驚人功非蓋世而行誼篤摯亦足以厚人心而敦薄俗者附以篤行傳奕世知所矜式

一符秦立國雖云僭偽但已正位改元設官分職則不得以晉人概秦人也觀晉書載記各國諸臣仍附本國之中可以想見茲取符融毛當輩文武兼資功業赫奕者屬之前秦以免牽混

一楊氏氏種而有爵土者三百年豈一世之雄已哉諸史本無專書縣志亦簡略特甚今為詳次其傳以詳始末知不與諸夷等也

一是編纂之私室原非志乘故人物中有遺聞瑣事堪資考證者盡行采輯而史則備錄全傳外此於符氏表楊氏傳頗費經營蓋符有專書而摘撮為難楊無專傳而該實為尤難李最庸先生云楊氏一篇可以徑行余亦未敢自信姑存之以俟異時之棄取焉

一志為記善之書與史例善惡並載者不同故官如羅演人如

武階備志

卷一

三

咬鐵輩本可不錄第是編卷帙無多且人關考據因附雜識之中或亦資勸懲之一助云

一引徵古書皆依原文節錄或者數書合參文義不屬不得不潤色聯綴非敢為改纂也

一有明事迹別無可據者不得不撝拾本志意其聞見不遠當不至盡鑄子虛耳

一藝文為一方菁華斷不可闕武階自漢迄明代有傳人而卷帙散佚莫窺全豹時志僅取題詠詩文當之殊非體例茲擇其有關考證者畧采數則附諸各條之下其他流連山水霜

濫諛墓之文槩置不錄若夫詳蒐文獻鋪張宏雅尚以瑛諸異日

一碑碣之文最關考據武階名作林立如耿勳碑西狹頌觀音祠記保蜀碑之類賞鑑家無不家藏一本其餘題游紀勝卓然可稱者亦復不少時志僅收一二列於藝文之中既非體例又復任意刪割令人廢然是編廣事搜羅差為詳備而掛漏之譏尚慮不免容他日橐筆入山窮數年履齒以補其闕

一是編昉於嘉慶八年成於嘉慶十三年披閱抄錄出自一手有閱一書而得一二條者有閱數書而一無所得者兼之日

武階備志

卷一

四

力遲鈍素性健忘窮終日之精力不過六七卷而掩卷則已茫然偶有遺失又須重行檢查以故數年之久僅得若干帙在期固已竭蹶從事身心交疲而其實於汗牛充棟中不過得滄海之一粟何敢妄思表見貽識大雅第念數年辛勤不忍割棄脫稿後質之 佺山先生謬謂不疵竊不自揣竟付剞劂以備異日修志者芻蕘之助尚望博古之士進而教之則幸甚

武階備志目錄

卷一

山水

卷二

建置

卷三

郡縣治城邑考

統屬分合表

卷四

武階備志

卷一

形勢

阨塞

物產

卷五

戶口

風俗

學校

兵防

紀事

五

卷六

職官表上

卷七

職官表下

卷八

封贈表

卷九

名宦傳上

卷十

武階備志

卷一

名宦傳下

卷十一

符奏表

卷十二

人物傳上

卷十三

人物傳下

卷十四

列女傳

六

卷十五

楊氏傳

卷十六

祠祀

寺觀

百蹟

卷十七

碑碣

卷十八

武階備志

卷一

七

碑碣

卷十九

雜識

祥恩寓墓
官人瑣

卷二十

番夷

卷二十一

歷代疆域圖

武階備志卷之一

仙陵山人吳鵬翹 雲達輯

山水

東南之山不敵水西北之水不敵山武階東毗華嶽西接嶓岷綿亘數千里以禹貢漢桓之勢不能不循途曲赴其他何論焉漢書班志而下言地理者無慮數十百家無不臚列詳明瞭如指掌間有一二參差則當時采訪偶疎而大略固已詳備矣彙而錄之以冠諸則之首

仙陵山在將利縣西六里元和志在州南按當作西舊志仙靈山在今

武階備志

卷一

八

州南三里訛為仙君山一統志按即舊城後之主山

卧龍山在州治北一名北山透迤入川境名勝志

翠微山在州北三里三峯秀出中有一崗勢若卧獅通志

真武山在州西北五里高出羣峯通志

鳳凰山在州治北拱若儀鳳山麓與州城相接為州之主山通志

蓮花山在鳳凰山之陰翠峯五出望之若齒齒初吐通志

米尖山在州東北一百二十五里山巔有城俗謂之米峯城統志按今謂之米峯

山在州北八十里

鐵爐山在州北二百里明嘉靖十三年回夷馬興據此為亂巡

撫黃臣討平之一統

秦石山在州東北一作二百四十里接西河縣界一統

東嶽山在州東北二百六十里之八戶峪本山

旋風山在州東北三百里本山

雞冠山在州東北三百十里本山

牛頭山在州東北三百二十里

向明山在牛頭山東本山

龍拽山在階州明一統志按即今柏林寺後山

龍東山在福津縣北四十里元和志接今名槐樹山

武階備志

卷一

九

石鷄山福津縣東有石鷄山方輿勝覽

石雞山州東七十里石雞山上有石雞神廟又東十里有石鷄山明一統志

鶴山明一統志又東十里有月臺山舊志

盤隄山在盤隄縣東南七十三里魏鄧艾與蜀將姜維相持於此

此系城置葭蘆成元和志置有縣數以警晨昏後置縣今廢名勝志

武都山在州西七十里州西面之大山也方輿記與西固城接界

一統

朝陽山在州西八十里明初有老禪卧化於石洞中通志按此

旱禱雨膏取水相傳中有妖魁深入輒死故莫能測也

露骨山在州南三十里嶺南列一統

按通志載西固城有露骨山宋王韶開熙河疊宕時釋馬

步行處登通鑑長編載露骨山在熙州東南六十里或者

非此山歟

太白山凡自岷州趨宕州沿水而行稍下行大山中或百十步

復出略崖嶺登不可乘騎必步至臨江寨得自江至階州須七

八日其所經皆使傳所不可行放之山水秀絕天下無有也臨

江之上一處當大山中西望雪山日晃如銀其高無極出衆山

上居人曰此雪山佛居也有獅子人常見之非西域雪山是蜀

武階備志

卷一

十

所記無憂城東北望龍山積雪如玉也書境錄山在州南四十里

首洮尾茂橫斬千里高峰峭壁積雪不消通志

錦屏山在州南二里山間有樹高百尺大十圍狀似駝側有泉

冬溫夏涼通志

仙人山在西固城東三十里昔有馬仙人尸解於此故名通志

東山在西固城東五里地土寬平民多居其上城人土田大半

在焉路通階文通志

筆架山在西固城南二里接蕃界通志

朝陽山在西固城西三十里通志按此又一山非州西之朝陽也

翠峯山在西固城北極峰峻通志

天門山在西固城北二十里四時積雪不生草木值旱入穴取

水祈雨輒應通志

角弩谷在武都沮水之西即蜀將姜維勦五部氏先之所郡國志

在沮水西八十里通志

花石峽在州北一里詳物產

峯貼峽詳阮塞

仙人峽在州北二百里名勝志

龍帶峽在州西南詳識祥

武略備志

卷一

十一

楊家崖詳阮塞

五仙洞在白龍江南岸深不可測懸半山間中有鐵橋及黃蘆

木橋橋下水流作環珮聲洞內有卧龍坪尤寬廣可容百數十

人舊傳神仙棲止之地名勝志隋州城東有五仙洞洞穴深百餘

里仙蹟甚多寬廣容百數十人名山記洞中泥可為硯出洞即成

堅石內有煉丹井仙人床竈明初張三丰寓此題句猶存又有

風洞內有黃泥灘通志洞在州東南三十里洞門僅可容人入則

高軒宏敞萬象森列隨意擬之輒肖尤奇者有五白石柱如玉

削成若五嶽朝天又有白石柱自上垂下一自下接上相距僅

尺許名地天交泰稍進則為卧龍坪中有二龍鱗甲蟠伏若生

進則有煉丹井仙人床竈又有風洞黃泥灘枯木橋明戶科都

給事中胡濙按志作尚書胡濙誤今改奉旨訪張真人於此不過真人留詩

有云脉連地府三冬暖竅引天光六月寒陳志

按洞今名萬象在仙人堡東堡之得名亦以此或謂在露

骨山南者誤也仙人井深不可測投以石至食許時方無

聲亦不聞其至底也仙人床竈皆石生成床之半壁有石

燈梘床頭有石枕床下有石屨再進里許渾沌若無可入

壁角有小洞高廣僅尺餘厚三尺許曲屈而入時有大風

武略備志

卷一

十二

自內出所謂風洞也過此則高曠平濶別有天地為黃泥

灘矣游者至此多返相傳行數百里不能窮至文縣境隔

壁聞雞犬聲過枯木橋則達仙境似近荒誕無採其底裏

者

水瀧洞在真武山麓懸崖瀑布時如千尺白練垂空而下時如

萬斛貝珠傾囊而出時如環珮琴瑟琤琮緩雜鳴下則壁崖環折

儼若斷缺內有怪石錯出間以枕柳恍如武陵仙境陳志

魯班崖在西固城北九十里兩崖懸絕有二靈柯插入崖隙間

以棧覆土以通往來通志

中流砥柱石在西固城南二十里紫水江中其石巉峻波浪衝激非人所到通志

白龍江菟水一名陵水經州城南二里元和志從松潘界東流到

州流入文縣合嘉陵江寰宇記源出疊州歷宕昌入花石峽過州

城南下文龍至昭化合嘉陵江方輿勝覽州西有兩水河北峪河州

東有紫水俱流注之水經註謂之菟水勝志白水一名白龍江

即洮州衛西傾山南所出之墊江禹貢之桓水也方輿勝覽岷江源

出岷州衛分水嶺東南流入階州一名白龍江經州城南入文

縣界即此輿圖香水河發源蕃界東流逕西固城南與岷江合

武階備志 卷一 十三

即菟水也白龍江乃岷江之別名自階州以下又謂之黑水江

一統志

按白龍江有二大源其北源出岷州界經宕昌南流至河

口與菟水合南源出蕃界過西固城南東流至河口與北

源合以下始名白龍江即禹貢之桓水諸家或曰菟水或

曰白水其源流究未明晰今擇其切當者錄之

陽部水水出東北陽部溪西南流經安民戍又南流入菟水水經

注在州西一統志

按此即西固城內之水一統志所謂香水諸書所謂菟水

者

兩水河按通志作在西河州西三十里南流入白龍江一統志

北峪河在州西方輿勝覽在州西門外源發南坪合赤沙水南入白

龍江一百二十里水勢洶湧時衝決為患一統志

按宋祥符間知州李璣鑿崗導入東南流即此彼時州城

在西故水在東門外也又紀要在西二里者不必泥

清江水在州西其南又有東川水俱發源於蕃界東南流入白

龍江二水見輿圖志一統

乳水在州南按當從通志作東三十里源出石峽東北流入白龍江每

武階備志 卷一 十四

清明日有魚從穴中湧出居人以時取之一統志

紫水福津縣有紫水泥亦紫漢朝用封璽書元和志紫水在州東

八按當作六十里源發舊福津縣迭石北南注白龍江凡八十里一統志

西漢水出西縣嶧象山南入廣漢白水東至江州入江漢書

道養水所出至武都為漢水徐廣注顏師古秦州上邽縣嶧象

山西漢水所出經嘉陵曰嘉陵江通志漢水南入嘉陵道為嘉陵

水又東得北谷水又東南得武街水又東南得倉谷水又東南

逕瞿堆西又屈逕瞿堆南又東合洛谷水又東合洛溪水又東

南逕濁水城南又東南會平樂水謂之會口又東南逕修城道南與修水合又東南於槃頭郡南與濁水合又東南歷漢曲逕挾崖與挾崖水合又東逕武興城南又東南與北谷水合又西南逕關城北除水東南流入又西南逕通谷通谷水出東北通溪上承漾水為西漢水又西南寒水注之又西逕石亭戍廣平水西來注之水經注犀牛江又名東西淮自階州東流入嘉陵江維勝在階州東北二百四十里即西漢水也自成縣西南流接州界東南流入畧陽縣界方輿紀要西漢水逕成縣界亦名鐘家河一統志犀牛江有犀牛江廟在其旁昔有神牛出江為害人逐之

武階備志

卷一

十五

化為石其迹尚存通志江有二源一出秦州平關川嶓冢山一出

西河橫嶺山逆流百里至縣歷鐘家河至白水江下畧陽為嘉

陵江秦州志

按西漢水禹貢之潛水也漢魏諸公多混入漢唯水經注

得川流之緒而亦以漾水標名殊不可通陝西通志曰嘉

陵江源有三西和禮縣之西漢水一也成縣之濁水二也

鳳縣之故道水三也考水經注及禹貢雖指皆以自西和

流經禮縣成縣者為嘉陵江正源即所謂淮河者也乃今

皆以淮河為犀牛江而以濁水故道水為嘉陵江是猶流

而忘其源矣如雍勝畧府志皆沿其誤特為正之是矣然

淮河實即犀牛江不得分而二之也

建安川水導源建威西北山白石戍東二源合注東逕建威城南又東與蘭坑水會水出西南近溪東北逕蘭坑城西東北流注建安水建安水又東逕蘭坑城北建安城南其地故西縣之歷城也楊定自隴右徙治歷城即此處也去仇池百二十里後改為建安城其水又東合錯水水出錯水戍東南而東北入建安水建安水又東北有雞尾谷水又東北有太谷水又東有小祁山水並出東溪揚波西注又北左會胡谷水水西出胡谷東

武階備志

卷一

十六

逕金盤歷城二軍北軍在水南層山上其水又東注建安水建

安水又東北逕塞峽元嘉十九年宋太祖遣龍驤將軍裴方明

伐楊難當難當將妻子北奔安西參軍魯尚期追出塞峽即是

峽矣左山側有石穴洞人言潛通下辨所未詳也其水出峽西

北流注漢水水經注

按即今之大水壩水諸書謂在成縣西北者誤詳城邑考

平樂水出武街按當作階東北四十五里更駝南溪道源東北流山

側有甘泉湧波飛清下注平樂水又東逕甘泉戍南又東逕平

樂戍南又東入漢謂之會口水經注

按魏之武晉在福津故水源出東北也凡一百六十里會口即牽牛江廟側

修水漢水東南逕脩城道南與修水合水總二源東北合漢水注

按此今之八戶峪水也將利縣魏之修城古人殆即郡以名水歟東源出尹家溝上之水洞寺三泉濟湧即能運磴寺亦以此得名西源出打茶溝宋明奸商偷販私茶之道望賊關有示禁碑二水於大鋪子壩合東北流至將利縣南入江凡行九十里

武階備志

卷一

十七

石門河源發白馬關至江口入淮河漢中府志

按白馬關東花廟子山麓有石竇若門然水流其中故名源發周家溝東北三十里過白馬關又東北五十里過木瓜園又東四十里入江凡行一百二十里

挾崖水西出擔潭交東流入漢水水經注

按陝西通志載畧陽縣橫現河即水經注之挾崖水源發州東三百里之金家河東南流至畧陽縣境入嘉陵江

除水出西北東南流入於漢水經注落索河在畧陽縣南八十里其水東南流入嘉陵江漢中府志

按此水源發階州東縣瀾而下入畧陽縣境

通谷水漢水西逕通谷通谷水出東北通漢上承漾水西南流為西漢水水經注漢水自武遂川南入葭葭谷越野牛逕至關城合西漢水水經注此即水經注之通谷水疑即今之燕子河也禹貢指燕子河在甯羗州北百二十里其水南入嘉陵江漢中府志

按此水州東之太平河也水有二源西源出大水溝東南流過碾子壩逕安家壩又逕崔家壩過斜崖至趙家院合東源東源出西溝東南流至馮家峽與十二灣水合西南流至趙家院與西源合南流入峽至岍門口東南流逕牛

武階備志

卷一

十八

頭山東又東南逕向明山東過吊石壩南城溝水東北來注之至楓香林火燒河水西北來注之又東南流元局河東北來注之南流至兩河口曲河西北來注之又南流入甯羗州界為燕子河南入嘉陵江又按曲河源發牛頭山西北南流逕老柏樹南流逕牛頭山西至秧田壩石碑嶺水北來注之東南過崖灣三河壩水西來注之東南過銅錢壩至兩河口左入太平河又麻柳壩河源發廖家壩東流過紅石河又東至麻柳壩逕畧陽縣境南流入甯羗州境南入嘉陵江陝西通志謂之青河

安樂河在甯羌州西百三十里水南流入嘉陵江漢中府志

按此水源發州東之梅子園

廣平水西出百頃川東南流生漢水經在甯羌州西北陽平關

西其水南流入嘉陵江漢中府志

按此水源發州東俗名西支五馬河

三眼泉在西固城北三里於石崖中湧出衝激浩瀚穿城而過

有水門二入白龍江近城田土賴此灌溉通志

南麓飛泉在西固城南五里懸崖瀑布如千尺白練洒空而下

通志

武階備志

卷一

十九

文縣

鄧至山同昌縣有鄧至山云鄧艾所至西魏書志在縣東二十五里

記

太白山在曲水縣南二百五十三里元和志其山巖谷高深常多

霜雪綿亘峯巒春夏不消高二千三百一十四丈七尺山經

天魏山在長松縣北三十一里元和志山與階州接界方輿紀要

按在今縣北一百三十里上有天魏湫見後

龍頭山在曲水縣西七里從故松州黨聚山來至當州石馬水

口絕其山如龍頭山經其山延袤甚遠與四川之松潘疊溪對

接界方輿紀要

鉗川山在鉗川縣南縣以山為名西魏書志

羅夷山在鉗川縣東南五十里山經

素嶺山在尚安縣北一百六十八里黑水所出元和志與芳州常

芬縣分界其山深冬夏積雪因名山經今名露骨山一說

按即階州露骨山之南也

南山在縣治南清水江繞其下宋閻蒼舒詩老夫睡熟青天帳

只借南山作畫屏方輿紀要

龍女山山列如屏即南山之支也宋孫諤詩烟嵐合處日華明

武階備志

卷一

二十

龍女山橫擁郡城蕃馬遠隨流水至邊人高入白雲耕名勝志在

縣西南二里方輿紀要

金珠山在縣東方輿紀要

天牢山在所城西北二里明一統志相傳為古羗里文王囚於此上

有笑里城方輿紀要

螳螂山在所城東三里以形似名明一統志

象山在儒學後以形似名通志

將臺山在東郭外平地突起一峯南向白水通志

尖山在縣北六十里其峯如削獨出山表通志

八盤山在縣北四十里嘉樹菁葱人行濃陰中儼如圖畫通志

馬關山今隆慶府陰平縣北六十里有馬關山峻峭峻極為

艱險鄧艾軍行至此路不得通乃懸車束馬造作閣路始通江

油因名馬關通鑑注

耕天山郡有耕天村其田之良者曰雲下田輿地紀勝在縣西二十

里江志

按宋鮮于侁詩云行行未省見平川雲下誰知別有田山

聚邑居能習險人愁粒食自耕天

玉虛山在縣西北一里盤折而上有真武廟江志

武階備志

卷一

二十一

白頃山在縣北一百里其山潤坦有田百頃故名江志

壁玉山在所城東二百里明一統志

滴水崖在縣城北亂山矗立劃開兩峯如了髻飛泉千尺置槽

引之以給居人名勝志

野羊崖在縣西北通志

貓兒崖在縣西百餘里為蘭州通路棧道倚崖極為險峻通志

白馬峪在縣西南五十里按一統志古白馬氏所居之地因以

名之名勝志

孔函峪在縣西北方輿紀要詳紀事

銀峪在縣西七十里其山產銀一統志

鉢峪在縣西北一百七十里一統志

城平峪在縣東一百二十里一統志

小盤峪在縣東一百四十里一統志

長平峪在縣東北九十里一統志

大盤峪在縣東北一百七十里一統志

青塘嶺在縣東南方輿紀要自文州青塘嶺至龍州百五十里自北

而南者右肩不得易所負謂之左擔路即鄧艾伐蜀路也通鑑注

赤磨嶺西南至蕃界八十里以赤磨嶺為界寰宇記

武階備志

卷一

三十一

大恭嶺西北至蕃界一百三十里以大恭嶺為界寰宇記

蛇倒嶺在縣西極為險窄通志

分水嶺在縣北三十里一山橫亘兩水分流北流至尖山南流

至泮宮通志

飛叩洞在縣西接天魏湫名勝志

上清洞在所城北四十里深不可測石壁上有大觀閣題名明一統志

金窟

金窟向氏道有金銀鑛華陽志在縣東麻谷接四川昭化縣界

宮如井中產金取之甚難宋鮮于侁詩云碧峯環合大江潯土